

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 48

24 დეკემბერი, 2020 წელი

ქ. თბილისი, თავისუფლების მოედანი N 2

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე

მიხეილ ამაშუკელი

სხდომას ესწრებოდნენ სახელდებისა და სიმბოლიკის კომისიის წევრები:

მარიკა დარჩია

თინათინ ნიბლოშვილი

ზაზა მამალაძე

გულია გოცირიძე

ანა ლაშხი

სხდომა გახსნა კომისიის თავმჯდომარემ მიხეილ ამაშუკელმა. მან დაადასტურა კვორუმი და კენჭისყრაზე დააყენა დღის წესრიგი.

სხდომის დღის წესრიგი:

1. ქალაქ თბილისში, საბურთალოს რაიონში, სოფელ დილომში, თეთრი გიორგის ქუჩის გაგრძელების შესახებ
2. ქალაქ თბილისში, ისნის რაიონში, მელაანის VI შესახვევისთვის და ბანაკის დასახლების I ქუჩისთვის მსახიობის ხათუნა ჭიჭინაძის სასუქის მიწიჭების შესახებ
3. ქალაქ თბილისში, ისნის რაიონში, ბანაკის დასახლების II ქუჩისთვის და მასთან არსებული ერთი ჩიხისთვის პოეტის ვანლერ დაისელის სახელის მინიჭების შესახებ
4. ქალაქ თბილისში, მთაწმინდის რაიონში, ბომბორას ქუჩასთან არსებული უსახელო ჩიხისთვის ბომბორას I ჩიხის სახელის მინიჭების შესახებ
5. ქალაქ თბილისში, ვაკის რაიონში, წყნეთში, მერაბ კოსტავას III ჩიხის გაგრძელების შესახებ
6. ქალაქ თბილისში, სამგორის რაიონში, თიანეთის ქუჩის გაგრძელებისა და ქუჩასთან არსებული ორი უსახელო შესახვევისთვის თიანეთის სახელის მინიჭების შესახებ
7. ქალაქ თბილისში, ისნის რაიონში, საინგილოს ქუჩასთან არსებული უსახელო შესახვევისთვის საინგილოს I შესახვევის სახელის მინიჭების შესახებ
8. ქალაქ თბილისში, ისნის რაიონში, საინგილოს ქუჩასთან მდებარე უსახელო ქუჩისთვის საზოგადო მოღვაწე ბათლომე ხუციშვილის სახელის მინიჭების შესახებ
9. ქალაქ თბილისში, ისნის რაიონში, რომან გვენცაძის ქუჩის გაგრძელების შესახებ
10. ქალაქ თბილისში, ისნის რაიონში, ნიაბის ქუჩის I შესახვევის გაგრძელების შესახებ
11. ქალაქ თბილისში, სამგორის რაიონში, ჭირნახულის ქუჩისთვის, მასთან არსებული ერთი ჩიხისთვის და შესახვევისთვის აფხაზეთის ომში დაღუპული მებრძოლების დავით გობახიძისა და სოღარ სიგუას სახელების მინიჭების შესახებ

სახელდებისა და სიმბოლიკის კომისიის თავმჯდომარემ მიხეილ ამაშუკელმა კომისიის წევრებთან ერთად განიხილა დღის წესრიგით წარმოდგენილი 11 საკითხი კომისიის წევრებმა მოასმინეს და საკუთარი მოსაზრებები გამოოქვეს

პირველი საკითხის განხილვისას, მიხეილ ამაშუკელმა კომისიის წევრებს განუმარტა, რომ თეთრი გიორგის ქუჩა არსებობს სოფელ დილოში, ვინაიდან ტერიტორია განაშენიანდა, მიზანშეწონილია ქუჩის გაგრძელება.

სხდომის თავმჯდომარემ კომისიის წევრებს გააცნო მოქალაქე ლევან ზედგინიძის განცხადება, რომლითაც ითხოვდა ბანაკის დასახლებაში უსახელო გეოგრაფიული ობიექტის სახელდებას. კომისიამ შეისწავლა აღნიშნული ტერიტორია, სადაც შემოგვრჩა ბანაკის დასახლების I ქუჩა და ბანაკის დასახლების II ქუჩა. კომისია მიზანშეწონილად მიიჩნევს ქუჩათა ხელახალ, არსებული განვითარების შესაბამისად სახელდებას, რის შედეგადაც მელაანის VI შესახვევი და ბანაკის დასახლების I ქუჩა ყალიბდება ერთ დამოუკიდებელ ქუჩად და ენიჭება საბჭოთა კავშირის დროს რეპრესირებული მსახიობის ხათუნა ჭიჭინაძის სახელი, ასევე ცალკე ქუჩად ყალიბდება ბანაკის დასახლების II ქუჩა და კომისიას მიზანშეწონილად მიაჩნია, აღნიშნულ გეოგ ასევე რეპრესირებული პოეტის ვანლერ დაისელის სახელი, ხოლო ქუჩის ერთი მონაკვეთი ყალიბდება ჩიხად.

მიხეილ ამაშუკელმა კომისიას გააცნო მოქალაქე სოფიო ვიბლიანის განცხადება, რომლითაც მიხედვით ითხოვს უსახელო გეოგრაფიული ობიექტის სახელდებას.

კომისიამ განიხილა აღნიშნული საკითხი ტერიტორიის შესწავლის შემდეგ აღმოჩნდა, რომ უსახელო გეოგრაფიული ობიექტი მდებარეობს ზომბორას ქუჩასთან და წარმოადგენს ხსენებული ქუჩის I ჩიხს. კომისიამ მიიღო გადაწყვეტილება, რომ მთაწმინდის რაიონში, ზომბორას ქუჩასთან არსებულ უსახელო ჩიხს მიენიჭოს ზომბორას I ჩიხის სახელი.

მიხეილ ამაშუკელმა კომისიის წევრებს გააცნო ვაკის რაიონში მერაბ კოსტავას III ჩიხის გაგრძელების საკითხი. ჩიხი გრძელდება რამდენიმე მეტრით. ასევე განიხილეს, სამგორის რაიონში, თიანეთის ქუჩის გაგრძელების და ორი უსახელო შესახვევისთვის თიანეთის სახელის მინიჭების საკითხი.

მიხეილ ამაშუკელმა კომისიის წევრებს გააცნო ნიაბის ქუჩის მაცხოვრებელთა ერთობლივი განცხადება, რომლითაც ითხოვდნენ უსახელო გეოგრაფიული ობიექტის სახელდებას. აღმოჩნდა რომ მიმდებარედ სახელდების გარეშეა განაშენიანების პროცესში არსებული ტერიტორიები ვიხაიდახ წარმოქმნილი ქუჩების უმრავლესობა მდებარეობს უკვე სახელდებული გეოგრაფიული ობიექტების მიმდებარედ და ქალაქგეგმარებითი თვალსაზრისით წარმოადგენს ამ ობიექტების ბუნებრივ გაგრძელებას, კომისიას მიზანშეწონილად მიაჩნია გაგრძელდეს რომან გვენცაძის ქუჩა, ნიაბის ქუჩის I შესახვევი და საინგილოს ქუჩასთან არსებულ უსახელო შესახვევს მიენიჭოს საინგილოს I შესახვევის სახელი. გარდა ამისა, კომისია მიიჩნევს, რომ საინგილოს ქუჩასთან ჩამოყალიბებულ უსახელო ქუჩას მიენიჭოს საზოგადო მოღვაწე და პედაგოგის ბათლომე ხუციშვილის სახელი. ბათლომე ხუციშვილის მოღვაწეობა უკავშირდება საინგილოს და სიმბოლურია, რომ მისი სახელობის ქუჩა არსებობდეს საინგილოს ქუჩის მიმდებარედ.

მიხეილ ამაშუკელმა კომისიის წევრებს გააცნო მოქალაქე ალექსანდრე აბრამიშვილის ინიციატივა. ის ითხოვდა ომში დაღუპული მეზრძოლის დავით კობახიძის სახელის უკვდავსაყოფად, ლილოს დასახლებაში მდებარე ჭირნახულის ქუჩას მიენიჭოს დავით კობახიძის სახელი. კომისიაში ასევე შემოსულია მოქალაქე როზა სიგუას წერილი, რომელიც ითხოვს, თბილისის ერთ-ერთ ქუჩას მიენიჭოს აფხაზეთის ომში გმირულად დაღუპული ნოდარ სიგუას სახელი. კომისიამ განიხილა აღნიშნული საკითხები და შეისწავლა ტერიტორია. საბრძოლო მოკლველის შესწავლის პროცესში გამოიკვეთა, რომ ლეიტენანტი დავით კობახიძე და ათმეთაური ნოდარ სიგუა ორივე აფხაზეთის ომში გმირულად დაიღუპა. ნოდარ სიგუა დაჯილდოებულია ვახტანგ გორგასლის III ხარისხის ორდენით, ხოლო დავით კობახიძე დაჯილდოებულია მედლით „მხედრული მამაცობისთვის“.

კომისიას მიზანშეწონილად მიაჩნია სამგორის რაიონში, ერთმანეთის მიმდებარე ტერიტორიაზე მათი სახელობის ქუჩების არსებობა.

კომისიის წევრებმა დღის წესრიგით წარმოდგენილი საკითხები მოისმინეს, თავმჯდომარესთან ერთად იმსჯელეს და მხარი დაუჭირეს ხსენებული საკითხების


საკრებულოს წინაშე ინიციატივებად დარეგისტრირებას და კანონმდებლობით დადგენილი წესით საჯარო განხილვისთვის გამოქვეყნებას.

სხდომის თავმჯდომარემ სხდომა დახურულად გამოაცხადა.

სახელდებისა და სიმბოლოკის

კომისიის თავმჯდომარე

მიხეილ ამაშუკელი

A handwritten signature in blue ink, consisting of several overlapping loops and strokes, positioned to the right of the name 'მიხეილ ამაშუკელი'.